

那文毅公奏議

加文毅公總統河南山東直隸軍務奏議目錄

卷二十八

徵調布置

附恭謝

天恩

卷二十九

新鎮丁樂集之捷

中市所之捷

聶渡墨子村之捷

道口之捷

附恭謝

天恩

圍滑之捷

截剿桃源賊援

籌策攻城

附收撫破脅

卷三十

司寨之捷

附兼顧陝賊

籌策攻城

卷三十一

克復滑城

附兼顧陝賊
凱撤

恭謝

天恩

酌給

卷三十二

飭緝逆黨

卷三十三

飭緝逆黨

附緝捕土匪

卷三十四

推薦文武 附糾彈

卷三十五

籌定善後 附分籌凱撤 籌批軍需 凱旋入

觀

那文毅公總統河南山東直隸軍務議卷二十八目錄

卷二十八

徵調布置

附恭謝

天恩

那文毅公總統河南山東直隸軍務議卷二十八

男容安恭輯

徵調布置

附恭謝

天恩

嘉慶十八年九月二十二日

奏爲提

臣遵

旨馳驛赴豫會剿教匪請酌帶本營馬隊兵丁恭摺代

奏事本年九月二十一日戌刻

臣

接准固原提督

臣

楊

遇春來信內稱由六百里欽奉

諭旨令其馳赴大名一帶會同

欽差大臣溫承惠協同剿辦滑縣教匪黃興宰等並令選

帶得力將弁星夜前往欽此因查敎匪現已竄入河南
考城及山東曹縣等處查該處地方均係平原曠
野打仗得力全在馬隊楊遇春近年訓練提標馬
隊兵丁鎗箭較嫻熟者有三百名若帶往軍營必
得其力惟

上諭內祇令選帶得力將弁並未令其帶兵不敢冒昧陳
奏懇請臣代爲具

奏臣伏思豫東二省密邇

畿輔雖不過么厯饑匪總以迅速撲滅爲至要該提臣

旣稱訓練馬隊三百名鎗箭嫻熟用之平原尤合

機宜似應准其帶往以期迅蒞集事且三百名馬
兵爲數不多臣不敢少分畛域一面飛覆該提督
允其代爲陳奏一面卽派令晷陽營遊擊楊連仲
鞏昌營遊擊丁永安帶領兵丁趕赴前途聽提臣
楊遇春帶往謹

奏奉

硃批知道了

嘉慶十八年九月二十四日

奏爲遵

旨馳驛來京恭報起程日期事本月二十四日辰刻接軍

機處六百里字寄九月十六日奉

上諭那彥成前奏請陛見有旨令其明春前來現在直隸
長垣山東曹縣河南滑縣等處有教匪滋事已派溫承
恩等帶兵前往勦捕著那彥成接奉此旨將總督印信
攜帶迎交董教增署理卽日馳驛兼程來京陛見彼時
邪匪若已辦完該督陛見後仍回本任若尙未辦竣候
旨簡用該省所屬將備內有勇幹得力者酌帶數員一
同來京預備差委將此由六百里諭令知之欽此

臣起
緊料理經手事件定於九月二十六日巳刻自甘
起程隨帶陝甘總督印信至陝交董教增署理遵

旨選帶涼州鎮總兵馬元西並鎮總兵符依順保及勇幹
得力將備千把共一百員名陸續前進臣輕騎滅
從先行赴京

陛見至臣平日訓練督標精兵二千名四年以來兵丁之
親切熟練力如左右之手內中擇其極精壯可靠
者可得五百名河州鎮亦可得有好兵五百名共
兵一千名臣不敢自專先分飭該總兵等勤加操
練預備如蒙

皇上准其調用臣再飛行令其趲程前來以期辦得力
謹

奏

嘉慶十八年九月二十四日

奏查教匪黃興宰等不據滑縣旋卽東竄意在裹脅竟
係教匪舉動此等烏合之衆無難立即掃除此時
全在厚集兵力四路圍截一經得手卽可撲滅
臣
糊塗之見仰懇

皇上天恩簡派在京巴圖魯侍衛等一二百人交溫承惠
等調遣仰托

聖主洪福集事必速至陝省南山今年雨水過多地方雖
極安謐究不放心
臣
於十九日聞信時卽擬假巡

閱爲名前赴西安駐劄彈壓／董教增旣署督篆
所有巡撫卽請

旨交朱勳署理查該司熟悉情形尋常最爲留心仰懇
皇上特降

恩諭將一切稽查撫輯事宜專責於該司似更有益謹
奏

嘉慶十八年九月十七日

命以陝甘總督爲

欽差大臣總統軍務

嘉慶十八年九月十八日軍機大臣字寄奉

上諭現因河南滑縣及山東定陶曹縣有教匪滋事昨經
降旨令那彥成前赴軍營督辦現在軍務緊急著董教
增接奉此旨卽將陝西巡撫印務交朱勲護理董教增
迎赴前途接印卽至蘭州署理陝甘總督並著傳諭晉
昌侯松筠行抵伊犁交卸後迅速前赴蘭州接署陝甘
總督印務董教增俟晉昌到省交卸仍回陝西本任可
也

嘉慶十八年九月二十五日

奏爲續奉

諭旨再行覆

奏

王綱臣

本月二十四日辰刻欽奉

上諭令

臣

來京

陛見卽於午刻將起程日期由驛馳奏未刻又接軍機處
六百里字寄九月十七日奉

上諭昨經降旨令那彥成來京陛見並酌帶勇幹將備前
來聽候派委此旨係由六百里發往那彥成接奉後自
必迅卽起程今思軍務緊要著那彥成卽由陝西取道
探明溫承惠現在何處徑赴軍營接受欽差大臣關防
傳旨令溫承惠專辦後路糧餉本日已降旨令穆克登
布富僧德等於西安駐防滿兵內預先挑備馬隊一千

名侯那彥成路過西安令富僧德帶領隨那彥成前進
該督接奉此旨卽迅速料理毋稍稽遲其未到軍營以
前此旨毋庸早爲宣露也將此由六百里諭令知之欽
此惟臣年輕才拙於軍務未多經歷今奉
恩旨賞給

欽差大臣關防總辦軍務臣跪讀之下不勝感悚懼懼之

至臣卽於日內星夜兼程卽由陝西取道徑赴軍

營至

上諭內令穆克登布富僧德等於西安駐防滿兵內預先
挑備馬隊一千名隨臣前赴平原曠野打仗查平

此一千名

富僧德已帶在矣又令穆克登布預備一千名俟渡至西

千名其西安清派之二千名改解州止下必無作已起之二千名

擬同

原曠野打仗全在馬隊具見

聖明洞燭機宜

臣

實深欽佩感切之至惟西安滿兵前於

巡閱時留心察看精壯勇健者不過可得五百名
不但訓練滿兵需費浩繁陝西亦須多留滿兵彈
壓方可放心臣前准楊遇春來信奏請酌帶提標
馬隊三百名若再挑選尙可得二百名不若減帶
滿兵加以提標馬隊足符

諭旨一千之數再

臣

前摺奏挑備督標暨河州鎮兵一千

名派勇幹將備帶領陸續前進目下軍機緊要

臣

不揣冒昧一面奏

聞一面卽令起身加緊趕赴軍營以備剿捕並移知穆克登布富僧德等挑備兵丁五百名必須不動聲色

勿得張皇

臣蒙

恩祝領馬隊滿漢兵丁尙須帶領之人仍求

皇上恩施准照前奏

奏

若原領辦事相同如微服往來京畿附近不法奸猾實不能多派矣

賞派巴圖魯侍衛一二百員迅速來營會剿以冀尅期集

事

臣

拜摺後卽趕緊料理起程總求

皇上隨時隨事指示周詳俾

臣

得以稍盡犬馬之力庶幾

仰答

委任

烏 謹

奏

硃批勉益加勉安民除逆佇待喜音何日可抵軍營先期具奏

嘉慶十八年九月二十五日

奏臣欽奉

諭旨令由陝西取道徑赴軍營臣兼程趨行一出潼關即

由孟津渡河徑往衛輝府探迎溫承惠接印任事

謹

奏奉

硃批覽

嘉慶十八年九月二十八日

奏爲遵

旨由驛覆奏事本月二十八日寅刻臣於會館途次接到

九月二十一日軍機大臣字寄奉

上諭據溫承惠奏途次接據各處探報直隸長垣開州東明俱有賊匪在邊境滋擾焚掠河南滑縣賊匪偷渡衛河濬縣城甚危急山東城武縣亦被賊攻陷竄入金鄉濮州一帶等語現在該三省交界處所賊匪連陷城池勢頗猖獗軍務緊急著那彥成迅速星夜馳抵軍營卽接臣欽差大臣關防籌辦堵剿該督行抵何處接奉此

旨先行由驛覆奏將此由六百里諭令知之欽此

臣接

閱之下不勝駭異該賊匪係一時烏合之衆何至

毗連三省疊陷城池實堪切齒

臣

於二十七日接

楊遇春來信內稱伊於起身之前曾挑備固原精

兵一千名咨請

臣

路過固原時務須將此一千兵

丁帶至軍營方爲得力今軍務緊急

臣

一面星夜

兼程馳抵軍營一面飛催陝甘滿漢各兵趨程前

進均限於十月初十日前後一同到齊便可剿辦

謹

奏

嘉慶十八年十月初二日軍機大臣字寄奉

上諭據那彥成奏接奉諭旨選帶將備由甘起程並請將督標及河州鎮精兵各五百名備調應用等語豫東二省賊匪連日雖據高杞同興奏報俱有殲獲但賊勢尙衆仍恐未足深恃正在降旨飭令那彥成迅速行走前赴軍營接印任事又接據那彥成續奏二摺其所稱西安駐防滿兵不能多挑一節昨已降旨令富僧德帶領一千名先赴河北此時不可撤回其穆克登布續備之一千名著卽停止那彥成請帶之甘肅督標河州鎮標兵共一千名旣稱健勇可靠著卽帶往又有提標兵五

百名兵威已形壯盛至所請巴圖魯侍衛一二百員刻
下京畿不甚安靜不能多派慶祥富蘭格布舍等先後
共已帶有二十餘員軍營亦不慮帶兵乏人那彥成惟
當遵照諭旨速由潼關徑赴河北勉力除逆安民以副
委任接奉此次諭旨約計何日可抵軍營先由五百里
覆奏俟行抵溫承惠軍營接受欽差大臣關防卽傳諭
溫承惠令其專辦此一路大兵糧餉那彥成接卽任事
之期由五百里奏聞另候諭旨其所請選帶之總兵馬
元特依順保等俱准其帶往楊遇春請帶之訓練馬隊
三百名亦卽令遊擊楊連仲等趕往前途交楊遇春帶

往其該督所請以藩司朱勲護理陝西巡撫之處早已
明降諭旨矣將此由六百里諭令知之

嘉慶十八年九月二十八日軍機大臣字寄奉

上諭豫省賊匪現在衛輝滑縣一帶屯聚衛輝迤西係懷
慶洛陽接連陝州其迤北由彰德近接太行界連山西
澤潞恐賊匪狡計百出乘間四竄那彥成接奉連次諭
旨自己由蘭州起程著迅速行走帶領西安馬隊官兵
探明賊踪迎頭截剿前來毋稍稽遲將此由六百里諭
令知之

嘉慶十八年九月二十九日

欽加都統銜

嘉慶十八年十月初四日

奏爲恭謝

天恩事竊

臣

於十月初二日在西安拜摺後隨即兼程行

走於初三日行抵潼關途次接軍機大臣字寄奉

上諭本日據高杞奏稱滑濬一帶屯聚賊匪約有二萬人其附近村莊尙多潛匿豫省兵力單弱不敷剿辦現已有旨傳諭那彥成先帶西安馬隊官兵一千名馳赴高杞軍營幫同剿捕並諭穆克登布等另派西安兵一千名預備軍裝等項那彥成行抵西安卽自行統領續派

官兵或添調五百一千綠營兵亦可徑赴河南滑濟一帶相機進剿彼時溫承惠軍營亦近在該處那彥成卽接受欽差大臣關防總統辦理以期迅掃賊氛本日並有旨簡放長齡爲陝甘總督俾那彥成得以專心辦賊用副委任功成之日另候擢用再降恩旨將此由六百里諭令知之欽此

臣年幼才疎仰蒙

聖主擢任封疆已愧毫無報稱今因豫省教匪滋擾復蒙聖主授爲都統銜總統辦理軍務聞

命之下益深感激恐懼臣現接河南撫臣高杞來信賊匪經官兵剿殺之餘皆竄回道口滑縣等處已如谷

底遊魂尙易勦辦又稱近聞東省漸次廓清是賊
匪自歸一處正可聚而殲旃事機密速順利計
期初七八日可抵衛輝與督臣溫承惠撫臣高杞
會面後即可厚集兵力相機兜勦仰仗

皇上天威一戰成功以期迅速廓清庶仰報

鴻慈於萬一謹

奏

嘉慶十八年十月初四日

奏前奉

諭旨令

臣

於西安滿兵挑選一千名

臣

先於固原已挑綠

營隊兵五百名步兵一千名於西安滿兵亦挑五百名曾經

奏蒙

聖鑒嗣奉

諭旨穆克登布等另派西安兵一千名那彥成行抵西安
卽自行統率續派官兵或添調五百一千綠營兵亦可
欽此仰見

睿慮周詳洞悉軍情實深欽佩

臣謹遵

諭旨於西安滿兵內挑選五百名西安鎮標兵挑選一千
名令其隨後趕緊赴豫並計期於十五日以前務

須齊集

臣

兼程先行馳抵衛輝府將應用馬匹器

械妥爲料理一俟各兵到齊卽刻進剿再楊遇春

已抵衛輝

臣

已寄信令其少俟兵丁到有一二隊

再行帶領前往謹

奏奉

硃批知道了

嘉慶十八年十月初五日軍機大臣字寄奉

上諭連日據各處奏報賊匪尙屯聚潯滑地方現在各路官兵漸次逼近恐賊匪被剿情急向太行山一帶奔竄若賊匪竄入山內則搜捕又需時日已降旨令大同鎮

總兵張績帶兵在澤潞山外堵截那彥成由潼關一路進發途次探有賊匪西竄之信卽迎頭剿擊毋任蔓延其富僧德所帶官兵亦著飭令迅速馳赴河北揚言大兵西來使賊不敢西竄

嘉慶十八年十月初七日軍機大臣字寄奉

上諭那彥成奏接奉諭旨星夜馳赴軍營一面飛催滿漢各兵趲程前進等語前據台斐音奏報九月十六日督率官兵將潞縣賊匪殲擒一千餘名嗣高杞於九月二十二日二十六日兩次又殲擒賊匪一千餘名據同興奏報九月二十七三十等日派運使劉清叅將馬建紀

兩次殲擒曹定賊匪八九百名搜捕藏匿賊匪一百八十餘名本日據溫承惠奏由開州進兵於滑縣留固村及北湖南湖一帶剿殺賊匪八百餘名生擒一百餘名官兵已連獲勝仗各處賊匪俱已披靡現在溫承惠在北高杞在南同興在東三面夾攻以漸逼近期爲一鼓殲除之計惟西面無重兵堵遏恐賊被殲情急亡命西竄太行山搜剿致需時日那彥成帶兵由潼關而來沿途差探賊踪如有西竄之信卽擇路迎頭截擊不可令其四散蔓延高杞軍營近在西南一面如高杞軍營緊要那彥成卽先與高杞會合再咨照溫承惠接受欽差

大臣關防面傳諭旨令溫承惠專辦軍火糧餉及撫卹難民事宜屆時朕仍另降諭旨那彥成接印後督率將士將河南山東直隸三省交界之處所有滋事賊匪全數殄平各路大兵凱撤再行來京聽候擢用

嘉慶十八年十月初八日軍機大臣字寄奉

上諭據那彥成奏兼程行走計期初七八日可抵衛輝等語那彥成行走迅速刻下自己馳抵衛輝溫承惠現已帶兵前赴濬滑計日內即可會而此次剿辦逆匪由京揀發健銳火器兩營滿洲官兵一千名帶兵之人多係滿洲大員及侍衛章京等溫承惠係直隸總督恐調遣

硃

吉林黑龍江

但不請漢話

約束不能得力那彥成現賞加都統銜本屬京職且係滿洲大員諳習清語著接受欽差大臣關防總統軍務溫承惠昨由滑縣進兵業已得有勝仗辦理尙好著溫承惠馬瑜楊遇春俱同在那彥成軍營會同商辦軍務那彥成分屬總統溫承惠馬瑜楊遇春俱職同叅贊所有奏報之摺著那彥成溫承惠馬瑜楊遇春四人一同列銜溫承惠等及高杞同興並受那彥成節制現在賊匪屢經敗衄大兵雲集趕緊再接一二仗諒賊勢必已窮蹙若賊亡命奔逃那彥成等卽率兵從其所向其開州東明長垣在大兵後路恐餘匪不能淨盡溫承惠係

直隸總督不必隨那彥成深入著於富蘭等員內酌帶一人並帶領直隸兵一二千名專在開州一帶嚴防後路就近搜捕零匪並督辦軍火糧餉及撫卹難民事宜那彥成等督兵前進亦可無後顧之患也再接再仗之時賊匪必係將裹脅難民驅迫在前而真賊尾隨其後我兵若先用鎗礮轟擊則所傷者皆係難民轉不能得真賊痛加殲戮該大臣等當嚴諭帶兵將領先將難民解散專戮頭裹白巾手持器械之真賊則剿捕不致妄戮無辜而賊勢亦易於摧敗此爲至要再前降諭旨調派吉林黑龍江官兵各一千名此時甫由該處起程到京

尙需時日那彥成等會同勦賊數仗後賊匪情形大局

可知彼時是否仍須吉林黑龍江勁旅前往協助或減

半派往抑或竟可全行停止著那彥成等四人熟商具

奏俟奏到時再降諭旨又此次滋事逆匪內李文成徐

安惲及牛亮臣馮克善四犯俱係著名首惡不可一名

漏網著那彥成等留心按名擒捕如將該逆等臨陣殲

戮必須確有証據方足爲憑若能生擒弋獲卽擇其受

傷較輕者二名派乾清門侍衛會同文武員弁嚴密鎖

押小心防範迅速解京預備廷訊當盡法處治以彰國

憲現在兵威已振事機極爲順利那彥成等當同心協

力鼓勵將弁兵丁將匪徒迅卽掃除捷音一至立霽殊
恩佇膺懋賞勉之望之

容安謹按嘉慶十八年九月初六日豫東天理
會邪教戕官滋事山東巡撫同公興訪確會內
首逆林姓又捏名劉林在京藏匿而九月十五
日林逆黨與竟敢潛入

大內持械逞兇突犯

禁闕維時

今皇上神武天縱鎗斃二賊諸王大臣協力勦捕其亂

始定仰見

天錫智勇

聖孝

神威不但

畿輔羣民震懾

天討潛消萌孽卽荒服四夷亦莫不聞風戢志故能於
百日之內破滑告功

聲靈之所赫濯實爲曠古所未有者也

恭錄

聖製遇變罪己

詔曰朕以涼德仰承

皇考付託兢兢業業十有八年不敢暇豫卽位初白蓮教煽亂四省黎民遭劫慘不忍言命將出師八年始定方期與吾赤子永樂昇平忽於九月初六日河南滑縣又起天理教匪由直隸長垣至山東曹縣亟命總督溫承惠率兵剿辦然此事究在千里之外猝於九月十五日變生肘腋禍起蕭牆天理教匪七十餘眾犯禁門入大內戕害兵役進宮四賊立卽細縛有執旗上牆三賊欲入養心門朕之皇次子親執烏鎗連斃二賊貝勒綿志續擊一賊始行退下大內平定實皇次子之力也隆宗門外諸王大臣督率烏鎗兵竭二日一夜之力勦捕搜

拏淨盡矣我大清國一百七十年以來定鼎燕京

列祖

列宗深仁厚澤愛民如子

聖德

仁心奚能縷述朕雖未能仰紹愛民之實政亦無害民之
虐事突遭此變實不可解總緣涼德愆積唯自責耳然
變起一時禍積有日當今大弊在因循怠玩四字實中
外之所同朕雖再三誥誡舌敝唇焦奈諸臣未能領會
悠忽爲政以致釀成漢唐宋明未有之事較之明季挺
擊一案何啻倍蓰思及此實不忍再言矣予惟返躬修

省改過正心上答

天慈下釋民怨諸臣若願爲大清國之忠良則當赤心爲國竭力盡心匡朕之咎移民之俗若自甘卑鄙則當挂冠致仕了此一身切勿尸祿保位益增朕罪筆隨淚灑
通諭知之

嘉慶十八年十月初五日

奏爲恭讀

諭旨謹具摺覆奏事竊

臣前奉

廷寄知有賊匪突入禁城情事聞信之餘實深憤恨方謂該匪等逞其愚妄不過在

紫禁外門擅入滋事事非常有卽法所必誅本月初二日
接奉

廷寄駭知該匪等膽敢於

禁籞清嚴之地糾衆多人竟入

大內妄行滋擾殊出人意想之外凡屬食毛踐土之倫莫

不同深髮指伏念我

國家深仁厚澤涵濡數百餘年

皇上惠愛羣黎無微不至在我

朝百姓少有不法之心實天理人情之所不容無不立取

敗亡茲該匪等自外

生成忒行悖逆故亦卽時殲滅靡有孑遺旣足以彰國憲而快人心卽有未經蠢動之儔其心亦戢

皇上下遇變罪已之詔

宣示臣民

臣

敬謹誦讀之下感悚涕零不能自已凡在

臣僚敢不仰誦

訓詞勉盡厥職

臣

現在督師赴豫遵將奉到

諭旨恭宣將弁兵丁等一體聞知無不人人切齒共矢同

仇咸願踴躍從戎滅此朝食兵心極爲奮勵可期

指日蒞功謹

奏奉

殊批大清國不應有之事朕適逢其會皆予不德所致不
忍責及臣民矣人各有天良捫心自問可也

嘉慶十八年十月初一日

奏爲敬陳管見馳摺奏

聞事竊臣欽奉

恩旨督辦軍務自維年輕才陋又兼未多閱歷奉

命之後日夜惶悚不安卽日輕騎馳赴衛輝會同楊遇春

商辦一切

臣

於途次探聽賊匪情形傳聞旣難憑

信又不得軍營確耗不敢冒昧懸揣惟探訪輿情

並

臣

管窺所及擇其尤緊要者六條開單恭請

訓示是否有當伏乞

皇上睿鑒詳細指示俾臣事事有所遵循少得把握實爲

感激

鴻慈之至以上六條臣途次匆匆不能繕寫今於初一日

卯刻馳抵西安卽將稿底面交朱勲代爲書寫拜

發臣卽於是日趕緊前進合併聲明謹

奏

一籌辦三省大概情形仰懇

皇上指示以便遵辦也竊查此次賊匪滋擾之處在平原
漫衍之區南有黃河北有滹沱漳河卽將兩岸

殊

渡船嚴飭不許傍岸則賊匪必不能飛渡即使
力窮奔竄亦不過總在東西奔匿查河南之衛
輝彰德爲九省通衢商賈絡繹文報往來似應
留大員帶兵駐守以安民心而山東濟寧運河
一帶爲糧艘經行之地關係尤重臣行抵西安
見四川提督多隆武據稱現已奏請隨營山東
兵丁素稱勇往多隆武曾任兗州鎮五年於東
省情形甚爲熟悉又西安鎮閻俊烈係山東人
打仗勇往人情地勢俱極熟悉俟臣到營卽派
該二員前往帶領山東兵丁盡力截勦仍請

殊

飭下河督帶領河標之兵在正東徐州鎮帶本標兵在南
面兗州鎮及德州滿漢營各帶本營兵在北面
均於運河附近各處防堵

一進兵道路宜由衛輝一路自西向東兜勦也查
直督溫承惠帶同提督馬瑜在大名一帶勦捕
賊匪曰內自獲勝仗賊匪勢窮必奔竄東境臣
適聞高杞連獲勝仗因兵力少單未能痛勦此
時臣所帶之兵加緊催趲因天雨泥濘計月半
以前總可到齊臣自應先往西路掃清後再會
溫承惠等會勦至北面附近

疏

甚

神京實爲緊要溫承惠等自應駐劄未便窮追至山東則數路進兵一切糧草應請

飭同興轉飭各屬上緊接濟以期無悞

一已經起事之教匪必當盡數殲除不留餘孽其雖曾習教而未被脅從者懇

恩寬宥以杜煽惑也查此次教匪膽敢偷入

禁城而三省各屬勾連先後起事復敢豎幟招兵實堪

髮指凡現經從賊者卽素日並未習教但旣經從賊卽爲賊黨萬不可輕逍其習教而不從謀反者原情仍皆係良民今賊匪地處平原非川

楚深山可容藏匿

臣奉

命督辦必須悉數殲除斷不敢稍存姑息之見但恐習教愚民因辦理過嚴致生疑懼首逆藉此搖惑轉致蔓延伏乞

皇上明降

訓旨凡習教而未經從賊者地方官不得以教匪滋事概與株連遍貼謄黃則該愚民等具有天良必更感激

皇仁不至爲其煽惑蔽功自速

一地方義勇宜急爲團練也現在有賊處所祇有

村落而無墻堡是以賊匪得肆行擄害居民斷無不切齒痛恨者至附近賊匪之區亦必各思保衛川楚用兵之際因鄉勇難於遣散已奉

諭旨飭禁但從前係招集無業游民是以較難遣散若勸

殊

甚足

諭各鄉鎮農民自爲團練到處聯絡官兵跟踪勦捕團勇即可堵禦民氣日盛則賊膽愈寒且事後仍卽歸農無需遣散

一請暫緩修築河岸決口以防賊匪攪混渡河也查八卦教匪如河南之歸德陳州等處難保必無起事後黃河渡口自必處處戒嚴該匪徒應

不能偷渡

臣

近聞睢寧一帶河隄沖決自應趕

緊修築以衛民廬惟一經興工卽需僱募多夫

硃

難保無賊匪混襍渡河煽惑南岸應請暫緩築

已荷旨

堵河督帶兵防護運道以期無悞糧艘回空自

爲至要

一請設粥廠普濟饑民以杜賊匪裹脅也查直隸

山東河南今歲收成歉薄乏食貧民裹脅較易

若處處設廠煮賑饑民有所依歸自各安生業

一查辦理粥廠事易而費省較之散賑更得實惠

惟該三省歉收之區伏讀

上諭捐賑緩徵州縣不下五六十處若一概設廠煮賑需
費未免浩繁或

飭各督撫查明有糧州縣先爲辦理其餘或輓運或勸捐
均須實力辦理

嘉慶十八年十月初九日軍機大臣字寄奉

上諭本日據那彥成奏陳管見一摺朕詳加披閱其言有
甚是者有不可行者如第一條內所稱賊匪滋擾之處
南有黃河北有滹沱漳河將兩岸船隻不許傍岸則賊
匪不能飛渡等語那彥成未至軍營於現在賊匪情形
尙未能深悉豫東兩省賊匪屯聚之所總在濟滑曹定

一帶毗連直隸之開州東明長垣三處南距黃河尙近
已令將船隻停泊南岸嚴查渡口至漳河則距賊已遠
滹沱河則更在正定地方隔越順德廣平大名三府相
距數百里之遙豈能將船隻盡行停渡其所請將多隆
武閻俊烈二員帶往派令管帶山東之兵截剿則所辦
甚是此次剿捕賊匪山東一路帶兵將領不能得力朕
甚爲廑念今多隆武閻俊烈二人朕素知其勇往令其
馳赴山東幫同同興帶兵由東奮力截剿則東面可免
疎虞其東南一面有沈洪帶領徐州鎮兵在彼堵截並
有旨諭令百齡派兵在彼策應該大臣飭知多隆武等

探明賊踪迎頭截堵勿令四散奔竄卽可逼歸一處痛
加殲戮其所稱請河督帶河標兵在東德州滿漢營兵
在北於運河附近防堵均可不必河標官兵素本軟弱
德州兵自有本汛地面均毋庸紛紛調遣轉令各處居
民徒增驚擾其二條所請由衛輝一路進兵自西向東
兜剿探聞高杞一路兵單先將西路掃清再與溫承惠
合剿所辦甚合機宜至所稱北面緊要應留溫承惠駐
劄不便窮追所見亦甚是昨已有旨令溫承惠酌量情
形帶領富蘭等統兵在長垣東明開州一帶嚴防後路
並搜剿餘匪卽令欽遵辦理可也其第三條請明降諭

旨將習教而未經從賊者不必因教匪滋事概與株連等語愚民習教甚多豈能概行誅戮此時大兵剿捕原係專辦起事亂民並未指稱查拏邪教其平素未經習教而此時從賊抗拒者卽在應誅之列若此時並未附賊至於平素習教原不在誅夷之內但此事區別甚難朕聞賊匪詭詐百出有日間貌爲良民而夜間隨賊搶掠者此時不能明降諭旨顯爲剖判全在伊等飭知將領官兵接仗之時留心區別凡被脅良民散出投誠者賞其一死至持械抗拒者則盡殺無赦總不許揚言邪教二字則百姓自不生疑懼地方官亦不敢株連矣第

四條請辦理團練一事地方百姓自行團聚義勇衛護鄉閭此正堅壁清野之義非若招募鄉勇隨征致有流弊前已降旨飭令直隸豫東三省一體妥辦矣其第五條請暫緩修築河工一節目下賊氛未靖睢工距河北甚近恐人夫混雜致有疎虞昨已降旨停工那彥成能見及於此所慮甚是其第六條請設粥廠普濟饑民以杜賊匪裒脅則所見未免迂濶三省歉收之處業經分別蠲緩賑濟至現在糧餉緊急若再於五六十州縣概添粥廠非徒力有不能且事尤有所不可試思賊匪正當滋事之際隨處裒脅若將粥廠設於遠處則近賊地

方其乏食貧民依然被其裹脅若設於近賊之處則賊匪皆來潤跡廠中愈可飽颺豈非藉寇兵而資盜糧乎此事斷不可行總之此時辦賊之法以勦捕迅速為主

近年國家經費不足那彥成豈不深知若日久遲延恐有河工加以賑濟無節度局拮据

形支絀且賊匪到處焚掠戕害生靈若不及早剪除則

良民受其荼毒者益多目下天氣漸寒斷不可再有遷

延以現在賊情而論雖據各處奏報及往來官吏皆言

賊匪不過烏合之衆毫無伎倆但前此高杞同興所得

勝仗或係於附近村莊殲戮零匪數百人或係賊來攻

撲官兵奮勇擊退均未能進攻賊營即昨溫承惠於渭

縣途次所剿賊匪亦係沿途剿殺尙未及大股賊巢那
彥成身爲總統大兵現已四路雲集當擇賊衆屯聚緊
要之區併力進剿能一兩仗大獲全勝先將渠魁殄滅
其餘散竄匪徒再以次搜拏則辦理迅速可計日以待
成功那彥成受朕厚恩今付以統兵重任惟當一意除
賊安民凡軍營應行調遣布置各事宜果計出萬全卽
迅速辦理正不必一一條陳請朕指示兵貴神速機宜
朝夕不同往返遷延於事無益朕惟竚待捷音那彥成
不可不勉之又勉也再前據同興奏報東省兩次剿賊
皆係運使劉清叅將馬建紀二員帶兵前往獲有勝仗

總兵陳廣宣係帶兵大員總未親身臨敵殊爲可詫伊現在何處著那彥成據實查明如該總兵畏賊遷延卽嚴行叅奏其克州鎮總兵員缺現有候補總兵徐銀在軍營効力卽奏請補授

嘉慶十八年十月十三日

奏臣正在拜摺間接奉

批迴十月初五日途次拜發奏摺一件

諭旨一道十月初五日又奉到

諭旨一道臣跪讀之下所有各條應行與不應行者經

聖明指示令臣愚昧頓開增長識見不勝欽佩欽服之至

查山東現在帶兵將領不能得力卽運使劉清叅將馬建紀亦究不可靠臣當卽傳

旨令多隆武閣俊烈趕赴山東帶兵截勦至總兵陳廣宣身體肥胖難以帶兵此刻不知現在何處臣飛咨

撫臣同興查明再行具奏該省現有候補總兵徐

錕請卽以之補授兗州鎮可期得力衛輝正當賊

匪西竄之路十一日報有賊匪在離城七十里之

范村焚掠趕緊派兵前往賊匪業已遠遁賊匪自

知大兵西來必不敢西竄臣仰邀

皇上格外殊恩

界以總統重任三省卽屬一體籌辦固不敢躁進以邀功
亦不敢怠緩以愆事虛衷商榷總期計出萬全只
冀速掃賊氛撫安良善其被脅者若散出投誠自
可貰其一死倘亦持械抗拒卽斷不可姑容致留
兇熾仍時時留心分別不敢少有大意以仰體

主生慈德謹

奏奉

硃批覽

嘉慶十八年十月初九日軍機大臣字寄奉

上諭早間接據那彥成條陳軍務各款正在降旨飭諭間

未刻接到百齡奏報據稱探聞東省匪徒俱在城武定
陶曹州一帶村莊屯聚經該督密行委員改裝潛入賊
營探知匪徒所聚之村莊接連橫亘約有四五十里分
爲八寨以八卦編列字號周圍用小車圍護晝出夜伏
裹脅年壯有力者食以符藥逼充頭陣又分遣匪徒赴
各處探路勾結等語看來東省賊匪尙多未見窮蹙現
在豫省賊匪有那彥成自西面帶兵前來溫承惠由北
面轉戰而前並又有高杞在彼夾擊兵威壯盛賊匪一
經接仗諒必潰散但揆度賊情潰敗之後斷不敢竄向
西北惟東省守備空虛同興一路兵力尙單沈洪亦祇

一旅之師未足深恃江南豐沛一帶雖有百齡在彼防堵江省兵力軟弱亦恐堵禦不周若濬滑賊匪竄向東南則與定陶之賊合勢南趨恐山東江南完善之區又被其蹂躪辦理需時那彥成當通籌全局四面兼顧現在那彥成所統帶兵將領甚多各處所調之兵亦尅期雲集當分派勇幹得力大員帶領勁兵繞道山東南一帶先遏其去路約會同興由東向西逼勦使賊與西北兩路大兵相值則三面夾擊可期一鼓殲除該大臣等萬不可稍存畛域之見使賊趨向東南致令滋蔓難圖務審度機宜計出萬全此爲至要

嘉慶十八年十月十三日

擢授直隸總督仍爲

欽差大臣總統軍務

嘉慶十八年十月十三日奉

上諭逆賊林清滋事一案溫承惠係直隸總督順天府所屬地方皆其所轄且在任年久乃於該逆傳習邪教煽惑多人八年之久並不及早查拏以致奸匪糾衆謀逆昨九月十五日竟敢潛布黨與直犯禁門并欲於蹕途伺劫雖其謀因兵衛森嚴而止而禁城內則已有匪徒闖入幸荷

天恩垂佑首惡伏法餘黨悉除而河南山東濬滑曹定滋

布散諸言同朔逆反

事亂民悉由該逆至今餘孽未淨從前山東逆匪王倫
滋事之案亦因倡興白蓮邪教而起巡撫徐績因此獲
咎然王倫於三十九年秋間滋事而其倡興邪教即在
是年春間爲日尙淺林清則於嘉慶十一年業已傳教
至今有八年之久溫承惠不能訪聞破案其咎本重適
前月先聞河南滑縣及直隸長垣賊匪滋事之信朕因
溫承惠同興俱係本省督撫因各派其帶兵剿賊俾令
自贖旬日以來同興連次奏捷是以恕其失察之咎並
加恩給予議敘溫承惠帶兵由保定前赴大名行走已

疎

訪出大逆林清等謀逆案內能擒賊首功甚偉進兵奮勉

覺濡滯本月初三日在滑縣劉固村等處剿賊一次初八日又在濬縣道口一帶得有勝仗然兩次殲賊千有餘名賊勢尙未窮蹙且直隸本境內如開州長垣東明等處亦尙未搜捕淨盡其籌畫不周之咎更無可辭溫承惠著革去總督拔去花翎賞給五品職銜責令辦理那彥成一路軍營糧餉以示薄懲如不知懼知感再有貽悞著那彥成嚴叅拏問治罪如辦理奮勉將來軍務告蒞時著那彥成奏明再行酌量錄用其直隸總督員缺著那彥成補授那彥成未到任以前仍著章煦署理

嘉慶十八年十月十三日軍機大臣字寄奉

上諭本日據溫承惠等奏勦辦豫省賊匪一摺該處大股

賊匪現在屯聚滑縣城內及桃源集道口三處爲數甚

衆官兵進攻亦未能大加勦戮此時那彥成已接受欽

差大臣關防當統籌全局迅速勦辦現因溫承惠帶兵

未將後路肅清辦理遲延並失察逆首林清蓄謀滋事

硃

一併延官禁

不能姑容

其咎甚重已明降諭旨革去總督以五品銜辦理糧餉

其直隸總督現當諸務應行整飭之時甚爲緊要溯查

從前亦曾有以滿洲大員補放者已降旨以那彥成補

授其軍務未竣以前仍著章煦署理那彥成此時當會

同高杞楊遇春先勦豫省賊匪該匪現在分屯三處聲

氣聯絡勢如犄角若一路進兵賊必兩路來援我兵轉
其牽制那彥成務審度機宜如先剿道口桃源之賊
亦必將滑縣來援之路斷絕並當分兵守禦不可令其
由城內突圍而遁俟道口桃源之賊剿盡則滑縣正如
釜魚阱獸可以聚而殲旃現據章煦奏稱直隸開州長
垣東明一帶村莊時有賊匪出沒焚劫並有屯聚一二
千餘人之處該處係滑縣軍營後路賊匪未就肅清我
軍前進恐有腹背受敵之虞且該匪等若被豫東二省
勦殺情急向北奔竄大名一帶並無重兵堵禦更爲可
慮已降旨諭知馬瑜富蘭令其帶領直隸兵二千名繞

殊

此皆溫亦忠之弊

道赴開州長垣東明一帶將該處匪徒就地搜捕由北
向南通剿著那彥成酌派巴圖魯侍衛數人隨同馬瑜
等前往協助其健銳火器營官兵於路過直隸亦令其
先與馬瑜等會合先由直境進剿該督所調陝甘各路
官兵此時曾否到齊現在豫省賊勢尙未少挫當先將
其大股屯聚之賊殲洗一二處使賊衆喪膽則迅風掃
羶成功可計日而待也勉之望之將此由六百里諭令
知之

嘉慶十八年十月十三日

奏爲恭報接印任事日期叩謝

天恩事竊

臣

九月二十六日自蘭州起程星馳前進初二

日抵西安初四日出潼關均經具摺奏

聞在案途次陝州一帶趕上西安滿兵當卽帶領前行滿
兵乘騎俱係長行馬匹不能加緊催趲每日行走
一百三四十里及一百四五十里不等初八日戌
刻已抵衛輝籌備一切軍裝馬匹初十日未刻准
直隸總督臣溫承惠派令侍衛格布舍富蘭護送
欽差大臣關防前來臣恭設香案望

闕叩頭祇領任事訖同日接軍機處五百里字寄欽奉
上諭著臣接受關防總統軍務飭令溫承惠馬瑜楊遇春

同在臣軍營會同商辦列銜奏報奉

命之下實深惶悚伏念臣年輕才短軍務實未諳練今蒙
皇上施以至優之恩

委以極重之任涓埃之報寤寐難忘臣惟有虛衷集益
與溫承惠馬瑜楊遇春等悉心籌酌並與高杞同
興會商通盤籌畫將大概情形另行專摺具奏謹
奏

嘉慶十八年十月十三日會同叅贊大臣熱河都

統高公杞叅贊大臣固原提督楊公遇春

奏爲探明賊匪現在情形通籌全局恭摺具

奏事竊臣於陝豫途次疊奉

諭旨屢蒙

皇上指示機宜謹防賊匪西竄仰見

睿慮周詳曷勝欽服臣遵

旨沿途查察並無西竄之信及馳抵衛輝據提臣楊遇春

備述連日在新鎮道口一帶躡勘賊踪小有斬獲

賊匪情形已經洞悉刻下賊匪大股仍在大垓山

道口滑城一帶盤踞約計三萬餘人惟不知山東

曹縣一帶及各處零星賊數若干此等烏合之衆

我兵原可日獲勝仗臣心甚焦急隨營將弁多願

卽行接仗急於報効惟此時兵力不厚雖日見勝
仗不能痛剿轉俾賊匪學會打仗愈長賊智或得
勝後我兵力量不能追殺到底轉致賊勢蔓延是
欲速見功轉不能急切成功前此川楚教匪流毒
數年前鑒具在臣深以爲恨現在通盤籌算務期
計出萬全臣未曾久厯戎行深恐所見未洽虛衷
共商而提臣楊遇春亦料及此惟恐臣年輕性急
不能堅持再三諄囑茲已意見相同諒可以集事
計臣所調兵丁及高杞溫承惠所帶兵丁並火器
健銳營官兵共一萬四千餘名合之一隊實爲充

裕至將來臣追賊而東則高杞應留本省亦須分兵溫承惠現奉

旨往開州駐劄亦須帶兵則臣所餘之兵又見其少臣等再四熟商現在高杞之兵計前後調有五千餘名將來大兵東向不過留爲彈壓搜捕可以毋庸再調溫承惠既奉

旨前赴北路應將馬瑜留此同商進剿將溫承惠所帶之

殊

此一節甚是

宣化正定二千名應留與該提督帶領協剿開州一帶溫承惠所帶二千名尙覺其單應於就近地方酌調二千名或堵或剿臨時必可得力山東一

面現已遵

硃

旨令多隆武閻俊烈馳赴同興處帶兵應請將現在山東
調出兵丁內挑選勇往者各予二千名帶領用以
出剿餘剩若干令同興與多隆武等就近酌量情
形布置防堵臣處兵丁現在有五千五百名尙覺
不敷分剿請再調山西兵一千名防堵澤潞山口
將前調大同鎮兵一千名令其前來聽用計甘肅
靜寧靖遠等處尙可得得力兵丁二千亦請調至
統計臣一路必得一萬餘兵賊合則合賊分則分
方敷剿辦否則臨時周章又延時日至吉林索倫

兵丁寶爲平原得力之兵仍請

皇上賞發痛快勦辦一二仗卽期掃蕩使不靖和氛知

王畿之重

天威之大愈多殺愈可久安再計所調各處馬隊共四千
五百名所需更換馬匹亦應豫爲籌辦免致臨時
掣肘茲已會商於附近之山西陝西直隸等處酌
調數千匹以備各營更換可無貽悞臣等通籌如
此意見相同一俟前調各兵陸續到來足以勦辦
不能再候到齊卽與高杞馬瑜楊遇春商酌分派
將備兵丁約會同時分投進勦務期一舉掃除迅

速藏事仰答

鴻慈謹

奏

嘉慶十八年十月十六日軍機大臣字寄奉

上諭那彥成等奏探明賊匪現在情形通籌全局並接受
欽差關防各摺覽奏實深憤懣豫省匪徒屯聚滑縣道
口桃源集三處前溫承惠於初八日在濬縣道口得有
勝仗因其未能大加剿戮辦理遲延是以降旨褫革示
懲乃那彥成於初八日已抵衛輝初十日接受欽差大
臣關防十三日發摺時仍在衛輝駐劄並未至濬縣軍

營茲據奏報情形乃云現有之兵不敷分勦請調大同

鎮及甘肅靜寧靖遠等處之兵並欲俟吉林索倫兵陸

硃

披覽小竟手願

續到齊方敷勦辦其言實屬畏葸遷延之至吉林黑龍

心搖不料明日之孫百思無辭至於如此其罪之深

江官兵到齊約計總在十二月間甘肅距豫省遙遠其

兵亦非尅期可至屆期冰雪在地天氣沍寒無論進勦

不能得力且此兩月中任賊匪盤踞蹂躪養精蓄銳該

硃

縱賊殃民自作孽矣

督等束手坐觀況目下最好機會乃賊匪安踞滑縣雖

分佔村莊其巢穴總在數十里之內正如魚游釜中自

守絕地若官兵日久不戰賊匪停留長智伊豈毫無偵

探聞官兵日漸增多斷無延頸待戮之理或賊匪屯聚

硃 硃

滑城日久食盡彼時悉其精銳不突狼奔縱西面有兵
堵禦而東北南三面何處不可遁逃官兵再尾隨其後
四散窮追其勢又似三省教匪辦理需時那彥成係屢
經獲咎之人此次受朕厚恩授爲欽差大臣昇以軍旅
重任若老師糜餉使逆首李文成等遁出滑城日久稽
誅該督自問當得何罪那彥成著先傳旨嚴行申飭楊
遇春係久歷戎行之人亦不應如此隨聲附和本屬非
是延那彥成接奉此旨著卽尅期進剿該處賊匪現分三
處屯聚勢如犄角意圖牽制該督等或先剿道口桃源
之賊則當將道口桃源二處分兵堵截其調遣機宜聽

該督等自爲籌畫總期鼓勵將士奮勇進剿不得先示怯懦益長賊鋒經此次嚴諭之後那彥成若再心存延玩貽誤事機必立將那彥成拏問治罪另派大員前往接辦卽不得其人朕當親統六師自往平賊彼時那彥成尙何顏立於人世耶凜之慎之至所奏宣化正定兵二千名交馬瑜帶回直隸邊界勦辦開州一帶賊匪此一節所奏甚是前已有旨諭知馬瑜富蘭令其迅速繞道前往其請調大同鎮兵一千名道路尙近准其檄調甘肅靖遠等處之兵遠不濟急不准調取日內京兵及直隸續調之兵均已到齊那彥成等務儘現在兵力相

機進取速奏捷音朕惟計日以待也將此由六百里諭令知之

嘉慶十八年十月十七日軍機大臣字寄奉

硃

硃

上諭昨因那彥成辦賊遷延已降旨嚴行申飭責令迅速進兵本日同興奏報訊據現獲賊目曹光輝一犯供稱該犯於九月二十三日往滑縣見徐安幘二十七日復回山東所有豫省賊匪係李文成爲首滑縣城中是徐安幘掌管連裹脅約有三千多人將西北南三門堵閉只開東門出入門內安大礮一座其李家莊在城北五里卽李文成之家李文成屯聚亦有二三千人徐安幘

亦聽其號令李文成於九月初四日被滑縣強知縣拏

去兩腿受了重刑初七日造反之後劫出現在李家莊

養病等語又據賊目扈二胖子供稱伊在李家莊住了

四五日李文成實在卧病不能動移並稱滑縣賊衆因

官兵火器利害逃散甚多等語滑縣城中賊匪徐安幟

手下只有三千多人李文成在李家莊屯聚亦止二三

千人計兩處之賊通共不過五六千人卽道口桃源二

處再有屯聚者總亦不過萬人何以那彥成摺內云賊

匪共有三萬人與同興所奏顯有不符現在那彥成所

調及溫承惠高杞原帶之兵計已萬餘以之進剿何至

疎

明係屬員捏報

疎

疎

疎

棘手况官兵剿賊本不能兵數與賊數一一相當從前三省邪匪多至數十萬人官兵不過數萬將賊股全行掃蕩豈必兵多於賊方能制勝乎本日又據章煦奏稱東省曹定等處賊匪被剿逃竄路過東明縣經該縣丁役截住擒捕扎死七十餘人奪獲車輛旗幟等語可見賊衆不過烏合該縣丁役無多尙能殺賊多名豈有帶兵大員轉逡巡不進任聽賊匪屯聚蹂躪之理傳諭著傳諭那彥成道照昨降諭旨鼓勵將領弁兵相度機宜剋期進剿勿稍延緩其李文成一犯係極惡首逆賊黨悉聽其指使現既因兩腿刑傷在李家莊養病正可乘其不

硃

硃

自甘無能卑鄙極矣

得令不知羞恥

能動移設法擒獲徐安輟亦係緊要賊目現在滑城若
速將該二逆擒獲則賊心無不涣散定可一鼓殲除該
二逆就獲之後若受傷已重卽在該處臠割示衆若可
以解京仍著派委巴圖魯侍衛等嚴密管押解京以便
盡法處治用昭國憲將此由六百里諭令知之

嘉慶十八年十月二十日軍機大臣字寄奉

上諭那彥成自本月十六日奏報後今又數日並未續有
奏報打仗之摺朕心日增煩懣前日據章煦奏稱山西
澤州府知府王延瑛檢獲首呈有逆匪牛亮臣所寄陵
川人王銀廣王永年二人原信一封約同謀逆本日復

據方受疇奏省城北關地方盤獲偽元師李志茂供稱
拜從東明縣人王進道習教王進道係大頭目糾集二
千餘人焚掠滋擾因在蘭陽北岸王林集先被陳州官
兵擊敗逃回東明又被直隸官兵擊敗現退回閘里集
屯劄令該犯帶領三十九人潛來省城及杞縣太康鄆
陵一帶分投探聽糾人入夥希圖渡河焚掠等語豫省
賊匪言者皆以爲烏合之衆不難立時撲滅而官兵總
未上緊痛剿以致賊匪裹脅日多且賊匪蜂屯滑濬已
踰一月並未旁竄正其無能之明驗大兵如奮勇攻擊
何難聚而殲旃乃官兵遷延不進使賊停留長智今山

殊

賊匪並

疎

一日勦除良民多一日擾累官兵多一日糜費

西澤州一帶已有賊匪潛往勾結而河南開封以南復

有賊匪探聽窺伺是其奸計詭謀已有遁而四竄之意

全無天良

那彥成猶復憤憤坐待遠調客兵縱賊殃民是何肺腑

現計直隸河南原調之兵並那彥成自調之兵以及京

兵已不下萬餘豈有擁兵萬餘尙不能戰之理那彥成

前於勦辦三省邪匪派爲叅贊卽大負委任從寬薄懲

嗣經屢次棄瑕錄用今復委以軍旅重寄猶不感激奮

勉冀圖自贖安坐衛輝玩視軍務尙得謂之稍有人心

疎

負國辜恩已極

乎那彥成接奉前旨自己迅速進兵此時惟當加倍奮

勇將滑縣及道口桃源三處之賊迅速掃除早奏捷音

殊尚可保全身家性命案記在心勿謂朕虛言恐嚇也 臣

其王進道一股現在何處是否仍在開里集屯聚著一

併派兵殲洗淨盡勿令四出勾結滋事再本日方受曉此二節更為最要機宜

汝若漫不經心非大清國之臣子矣

奏河南省城一帶兵力單弱請於北岸封邱考城兩處

分駐兵五六百名以遏賊匪去路並請於南岸蘭陽添

兵一千名駐守防範據稱已咨明那彥成派撥等語賊

匪窺伺無定南岸省城一帶關係綦重那彥成務須通

盤計盡派兵防守毋稍疎虞將此由六百里諭令知之

嘉慶十八年十月十八日

奏為恭謝

天恩事本月十六日接奉

上諭直隸總督員缺著臣補授臣未到任之前仍著章煦

署理欽此當卽望

闕叩頭恭謝

聖恩伏念臣自幼儆值

內廷於外省地方事宜多未厯練自嘉慶十四年

簡放陝甘勉盡駑駘事事留心整頓四年以來時深慙懼

未克稱職今復蒙

恩補授直隸總督直隸地近

畿輔員遼濶土瘠民頑卽如林清一案實屬罕聞臣

奉

命之下十分悚懼臣現蒙

皇上畀以總統重任極知豫省賊情日勞

宸衷厪念臣受

恩深重心急如焚但不在接仗遲早總期兵力齊集一經

見仗便可藏事

皇上明燭萬里洞悉軍情萬不能少有支飾臣斷不敢遲

延亦不敢輕率臣愚見如此詢之久歷戎行如楊

遇春等衆謀僉同現在陝甘各路兵丁二十日以

前已可到齊其餘續調之兵約須月底方能到齊

惟此時高杞甫經卸事遠在軍營方受疇亦甫經

接印各地方承辦之員均屬生手所有諸事現俱

係

臣

與楊遇春親身指令辦理是以料理不無少

需時日

臣

現札致方受疇令台斐音前來衛輝辦

理後路一切

臣

仍趕緊籌備日內如有可乘之機

亦不俟兵齊卽行進剿所冀一舉集事殲戮無遺

以上慰

宵旰

臣

現在帶兵籌辦進剿事務所有軍火糧餉不能兼

顧已飛咨署督

臣

章煦及面令溫承惠遵奉

諭旨辦理至直隸地方應辦事宜

臣

此時不能分心照料

俟

臣

到任後逐一整飭再查馬瑜富蘭現已遵

旨令赴開州一帶防堵所有直隸之兵一時統領乏人溫
承惠亦再三懇留軍營効力並不敢藉口在營少
悞糧餉事務是以仍令其暫帶直隸兵丁隨營出
力臣世受
國恩茲又渥膺

寵遇疊荷

榮施若不竭盡血誠力圖報稱自問天良不惟辜負

皇恩抑且貽辱宗祖臣年輕才短日夜兢懼惟有仰懇

聖恩嚴切教訓俾臣得免貽悞少効犬馬庶期仰答

高厚鴻慈於萬一謹

奏

嘉慶十八年十月十一日軍機大臣字寄奉

上諭國家近數十年來辦理莠民滋事之案如王倫蘇四十三田五以及三省邪匪皆潛謀不軌抗拒王師然皆未有如林清之罪大惡極者王倫蘇四十三田五等糾衆叛逆各在鄉邑滋擾卽三省邪匪肆惡蔓延竄擾數十州郡然祇在遠境跳梁間被官兵追竄亦不過至豫省南界而止今林清潛匿輦下圖謀叛逆膽敢糾結黨羽直犯禁闕訊取賊供並有潛派黨惡伺劫蹕路行營之謀因聞兵衛環集而止其河南山東各處滋事首逆

硃

如李文成徐安幘等聽林清指令同日起事戕官劫庫

欽差北京

荼毒生靈似此元惡巨憝實自來叛案所未有幸仰荷

天恩立將林清擒獲明正典刑其在京滋事黨羽亦次第

殲捕略盡惟河南山東各處叛賊尙未殲滅此等稔惡

硃

亂民乃覆載所不容神人所共憤豈容稍留餘孽現在

官兵厚集四面遮圍該逆等不過苟延殘喘那彥成受

桂之孫

朕厚恩身爲總統卽各路帶兵將領以及滿漢官兵共

知大義咸奮同仇當知此次用兵尤當殫竭謀勇期於

除惡務盡若稍或遷延觀望姑息縱容甘與逆賊並生

硃

天壤則非我大清國之臣子矣至於除賊所以安良戢

亦非阿比之除

暴必先禁暴賊匪真正首夥謀逆人數諒不甚多其號以萬數大抵由於裹脅若不區分良莠概予誅夷因賊匪而誅良民朕心實有不忍該逆匪狡計百出當抗拒大兵之時必係將老弱難民驅迫在前而真賊尾隨於後若官兵不加辨察一經望見賊衆遽將鎗礮轟擊則難民悉被傷夷而真賊近前官軍等火藥鉛彈皆已告罄轉令得乘間遁逃殊失除暴安民之意著那彥成傳知各路領兵大員等凡大兵所至皆當多方曉諭並於接仗時大聲揚播其有被賊裹脅勉強隨行者如果悔罪投誠先期解散逃避或手無器械自投者皆當免其

硃

一死官兵等不得妄加誅戮如再能殺賊自効殲擒首

可令其倖免致滋後患

惡及著名頭目投至大營更當奏聞加以恩獎惟有持械抗拒者則無論其是否真賊是否被脅必當盡殺無赦該大臣總統師干惟當遵奉此諭迅速成功不可遲延亦不可草率勉副委任將此諭知那彥成並著轉傳各路帶兵大員知之

嘉慶十八年十月十八日

奏爲欽奉

諭旨恭摺覆

奏事竊

臣於本月十六日接奉

諭旨以賊匪滋擾三省蒙

恩令

臣

督兵剿捕並恐不分良莠概予誅夷飭令留心辨

察

臣

跪讀之下不勝感悚欽服之至此次賊匪滋

擾膽敢攻城傷官且擾及

宮禁實屬罪大惡極天地莫容不特

臣

恨深切齒卽合營

將士兵丁亦無不志切同仇急思殲滅

臣

業已先

期出示曉諭令被脅者及早解散俾免誅夷近日

見有告示從賊中逃出紛紛不少若仍隨同執械

抗拒卽律以尋常賊盜亦當明正典刑倘稍事姑

容必遭後患愈多殺愈可期久安

臣

受

恩至重曷敢存陰瞞之私貽悞國家之至計然亦不敢不

分良莠枉殺無辜惟當仰體

硃 聖懷留心辨察頃獲探信賊匪二人一名張德係山東曹

縣人一名花萬鍾係濬縣人訊據供稱現在道口

賊有七干山東董姓又帶來數干滑縣不知實數

賊目牛亮臣等聞得大兵將到又看見告示衆心

已散俱皆痛哭後悔不及已將外屯家眷及要緊

什物搬入城內並因糧食不充將城內居民逐出

各皆逃散等語足見賊匪智窮勢蹙全仗道口滑

城爲犄角之勢此時進攻道口賊匪必盡竄滑城

硃

若兵力不敷圍剿轉致分竄蔓延臣行抵衛輝已

硃

經數日心急如焚屢欲分兵剿捕商之久歷戎行之楊遇春等僉謂賊匪數萬我兵數千攻之則有餘圍之則不足合之則可顧一路分之則未免單弱不在接仗之遲早總期一鼓而奏功臣不敢過於急遽轉稽時日亦不敢故爲怠緩致負

聖恩刻下馬瑜富蘭已遵

旨帶領直隸兵丁二千名前赴開州一帶並飭令將後路

硃

掃清以免牽制臣所調各路兵丁惟西安滿營兵一千名蘭州督標兵五百名西安鎮標兵一千名

殊 殊 殊

固原馬隊兵五百名京營官兵一千名陸續到來
尚有蘭州河州兵一千名靜寧靖遠兵一千名均
未到來至吉林索倫兵二千名尤屬急需至今尙
無到來的期臣不勝懸盼之至此刻現在嚴催各
路未到兵丁酌量可敷分撥卽行進剿亦不必盡
俟到齊始行接仗總期一舉集事仰慰

宸衷先此恭摺覆奏俟日內接仗後卽行由驛馳

聞謹

奏奉

硃批看汝造化無可訓示

嘉慶十八年十月十八日

奏豫省情形惟南陽府甚不放心

臣現將高杞所謂之

南陽鎮標兵丁一千一百名全數撤回各歸本營

溫承惠前曾札囑兩湖督

臣

馬慧裕預備兵丁三

千名茲已飛調令其來營可補已撤南陽兵丁之
數合併奏

聞謹

奏奉

硃批覽

嘉慶十八年十月十八日

奏蒙

皇上賞派吉林索倫兵二千名至今尙無到營的期臣不勝懸盼之至現已令長慶趕赴前途催趲所需軍火等項亦卽令長慶沿途催辦庶可期迅速前來藉壯軍勢合併奏

聞謹

奏奉

硃批可恨可鄙

嘉慶十八年十月二十一日軍機大臣字寄奉

上諭那彥成覆奏各摺片均已覽悉那彥成於初八日抵

衛輝業已旬日總稱兵力未齊不行進剿並令長慶迎
催吉林黑龍江官兵該二處官兵雖已奏報起程尙未
到京卽到京之後朕派人犒賞再令按程行走計到軍
營亦爲期尙遠朕亦不降旨飭催那彥成無庸懸盼現
在那彥成所調之兵據奏陸續到營者已有數千又有
直隸河南之兵已不爲少那彥成惟應就現有兵力奮
勉進剿滑縣道口桃源三處之賊無論先剿何處那彥
成自酌機宜朕亦不爲遙制進兵後能否大獲勝仗看
伊造化如何若伊必欲按兵不動靜待吉林黑龍江之
兵以致坐失事機則是伊自不欲生亦祇好聽其自取

朕非不能用法之主也

節次所發諭旨諄懇嚴切已無以復加此時實再無可訓示矣

嘉慶十八年十月十六日奉

硃筆諭那彥成本曰接汝摺奏憤恨極矣大逆林清勾結滑縣李文成謀危社稷現在李逆株守滑縣機不可失朕日夜焦急寢食俱廢望汝速勦大逆奠安民社不想汝到衛輝遲疑不進逗遛觀望以等兵爲詞大失朕望具何肺腸忍心病狂天良何在非阿桂之孫非朕之臣任汝爲之可也近因溫承惠遲迴貽誤所以用汝孰意汝之因循疲玩更甚於彼汝以世家滿洲不及一山西

人有何顏面立於天地之間乎賊匪一日不滅良民一日不安汝一日不進兵賊匪多褻脅一日若等兵齊進勦須至臘月彼時賊匪又增數萬矣况汝安坐衛輝有何良策不令賊匪褻脅又有何策不令賊匪竄逸將此二策明白具奏直入大內之逆黨爲覆載所不容稍有人心者孰不思滅此朝食而汝漫不關心可恨之極可恨朕屢用庸臣敗壞國事今日之旨是汝生死關頭信與不信憑汝自議擲筆付汝好自爲之三路進兵攻打桃源道口以重兵圍住滑縣勿令一賊潛逃此爲上策勉力辦理稍贖重咎朕計日以待捷音汝若再有遲疑

朕永不見汝之面矣

嘉慶十八年十月二十一日

奏臣昨於新鎮接奉

上諭並

硃諭申飭臣畏蕙無能臣跪讀之下昏暈戰懼幾於不省

人事臣實在罪無可逭自悔自艾無地自容並不

敢再求

皇上治罪惟有努力向前萬不敢少有遲疑並求

皇上施恩准將

硃筆暫緩恭繳臣焚香供奉朝夕捧讀益加勵警惟求

皇上

恩宥謹

奏奉

硃批汝若能成大功朕若仍治汝罪朕何以上對

天

祖汝能知悔懼奮勉自當大施渥澤勉之

容安謹按此奏入

告時已奏獲勝

文毅公總統河南山東直隸軍務奏議卷二十八